

Aroma: Bible for Acts

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Acts

1

Puka reparepana thauna aaloao, Theophilus, na aunilimalima evailarao Iesu ia eulavunu e eve varipa,²veaa palauna gena rova thaorana gena vevaripa auri evirigirao auri egavuinarao mulina amana na evairageao kupai.³Gena vi vi mulina,ia maolina eve vamagaio gena vevaripa auri elerai thao veule tharaparari vogo vagiai.Garo maparari kapana vai vai ila elerai eve vamagaio,e Palau gena basileia thorina evara venirao.Iesu na ila ealu kou agirao thaonai ila evaila iwarao,Jerusalema pigene kali wania,namu amana gena ilagavu pige thaloa,ethoriao neiwao," Thau elekuna go amonagiao⁵wara Ioane naluna eve papasito ole,namu mui nori raurau veaa palauna na pene papasito mui."⁶Ila geve koukouo thaonai ia gerenagiao,"Velegaua,Israela elenai basileia pono ole lavu ulewaia orana era pa?⁷Ila evaila iwarao,"Enori muina pigo ripa orana pa laganina namu amana maauna gena iavuai eriphthao gelegelenai.⁸Namu mui iavu pigo gapi veaa palauna thaamuiyai pene mikwara laganina, e mui thau auilagi lovo lovoku aumui Jerusalemai,Judea e Samaria maparanai e alimapara riki ava vai vai thaorai."⁹Iesu velegaua na ethori eilagiao,thaonai ila geairagewai,ia evegapi laaio gemalele agiawai pene thao iloana ila maari ephothorao.¹⁰Geruao kupamo gemalele agiawai,thaonai au lualua rapua ulo uloi geve rapuao ila epirai ge ruao.¹¹Eau lua luana ila gevaila iwarao," Galileia aumui,raagauna mui enai goruao kupa goai rage veniani? E Iesu mui elemuina pe laai peve rage kupai,pogo iara veai veaina vagi pene velavu ule mapigo iatha."¹²Olive golona na gelavu ule waio Jerusalemai repa Jerusalema ia veavi thoa thoana velovana no garo apuna.¹³Geve kwarao,ge ve rageo ovua thaainai, ila geria alu avana.Gethoao auri wara Petero,Ioane,James,Andrew,Philipo,Thomas,Bartholomew,Matthew,James Alphaeus nauna,Simon Zealot,e Judas James nauna.¹⁴Ila maparari geve veni vagio gau waunaimo veni vua vuai,ma vavineria,e Mary Iesu inana e wala avana maina.¹⁵Wagaro rai Petero wala ava nuanua rai erua laaio,auri no inavuna kapana lua lua veairi neiwao,¹⁶"Wala avaku maparamui,wa thakwanai puka thorina pene gugulu,pe veaa palauna na eilagi kuneao Davida muruna na ethori thalo thaloao Judas eilagia veali auri eveamai agirao Iesu geligoao.¹⁷Judas ia auavari apua ekoukou(ministry) gavuna namana mai erawaliao."¹⁸(Evana eau na alima waua evoiao gena moira voina na,wanaia ia repa na eoupuo,auniparana eo lovo lovo ole inagena maparana eo thakwaraio.¹⁹Jerusalemai gealuwai aurana geamonagiao wakapu ge thara vaoao geria karoai "Akeldama," ganina " Alima ma lalana.")²⁰" Salamo pukanai eve alo ole, 'Gena alima pigo kaliwania,auapua maina wanaia peene alu';Au apua pigo gapia gena vevai rakinai kapuna pige gapia."²¹Wa auna auna,gauri pakurai,au apua iaria athoa kou vanagi vanagi wai Iesu velegaua ethoa oa e ethoa rai ia thaorana,²²Ioane gena papasito na ema ma pene thao ia elerana evai rageao garona,ia gena laaiwai eilagi lovo lovoao."²³Aunilimalima lualua gevirigirao,Joseph gegogowai Barsabbas,tharana apua Justus,e Matthias.²⁴Ila geai rupu alio e negeiwao," Goi velegaua aunilimalima thaori oripa rana,eau lualua ono vamagai venimai ariapuna goina povirigia²⁵kapuna pene gapi ekoukou(ministry) thaonai Judas na ekaliwaniao ia elavu ulewaio gena ririwa avanai." ila raligo nuanua rai kati gerakwathao Matthias na egapiaio,ia kapana na apuna ria georu auao.

2

¹Pentecost garona ekwarao garonai ila maparari gekoukouo kapu apunaimo.²Nori rau rau kupana galavu apua eveamaio thagila raava veaina,e ila gealuo numana thaona maparana eraka lova ao.³Ila elerai alova veaina matha geve ware lovo lovo ole,ila apuri apuri thaarai gealu auo.⁴Veaa palaunai ila gevonuo ma karo vairai gethoriwai,veaa palauna na evaila rawai veaina.⁵Palau gena aunilimalima vanua vanua maparari, ekupa kapulenai gealuni e Jews aunilimalima ri Jerusalemai gealu wai auri.⁶Egalavu geamonagiao,uuma gethoa avi avio ge aovo aovo repa ila geamonagirao geria vanua karorai gethori wai.⁷Ila geve vakalio;negeiwao,"Auna auna ila maparari Galileia karonai gethorini pa?"Wa raagauna ila gamonagirana,apuri apuri thai gawala rageo vanuari karorai gethorinia? Parthian e Medes e Elamites,e Mesopotamia gealunia,Judeai e Cappadociai,Pontus e Asiai,¹⁰Phrygia e Pamphylia,Egypt ai e Libya ava vairi e Cyrene thao venina e au wari wari Roma na geve amaio,¹¹Jew e Proselytes,Cretans e Arabians,gamonagi rana thai gemai vanua karorai Palau gena ulavunu geilagiani."¹²Ila maparari geaovo aovo e geve vakalio;maauri geve vailawai,"Egau ganina raagau?"¹³Namu vairi geve galaigai negeiwai," Na pege niuniu wine na pevagi ria."¹⁴Namu Petero kapana na apuna erua agirao,karona eva rageao,evaila iwarao," Judea aunilimalima mui e Jerusalemai go aluni maparamui,ethori muina pigo ripatha; thau geku thori igo amonagi ria.¹⁵Eaunilimalima nori pege niuniu na gothoriana veaina,evanamona pe pogipogi valivu valivuna roera.¹⁶Namu epe peroveta auna Joel na eilagi thalo thaloao:¹⁷'Palau neiwao, garo kapi kapiwai,'Thau palauku pana lavu gatha aunilimalima maparari thaarai.Mui naumui maluaneri e vavineri pige peroveta,gemi au valivu pige maa vanagi,gemi au ola ola ila nivi pige nivi agiri.¹⁸Auna auna thau geku veala veveni auri thaarai e vavineri wagaro rai thau palauku pana lavuga raia,ila pige peroveta.¹⁹Kupa uunai vailia pana vamagairia e vailia alimaparai,lala,alova e kovu.²⁰Garo pene make pene muuna e vue pene make lala kapi Velegaua gena garo evirigiao garona pene veamai.²¹Wagaro anai riari velegaua tharanai gegogoni ila pene vamauliria."²²Israela aunilimalima mui ethori igo amonagiria:Iesu auni Nazareta ia aunilimalimai Palauna eva gapitore agimuio olema nanamarai e vailia e vevakali vailiari Palau na eva magairao nuanuamuiyai ia thaona na,mui ripamui.²³E au eve veni vanagi agiao Palau gena uamagi maavuai e thaonekai;e mui,rova nori ripamui aurana satauro ai go naero rageao ewaregao.²⁴Namu Palauna eva laai waiao,warega vi vina thaona na elauao,repana warega noai gena iavu pene rogo kikirigia.²⁵Davida na ia eilagiao, 'Velegaua thauna aiani thau

vilakuai,ia thau imaku ripana epinai pe thau paana ala laiwa laiwa.²⁶Gauri pakurai thau thaoku enamao e mathaku evereleo.Emaina thau auniparaku wara veraramaniai pene maui.²⁷Thau palauku olopu wagari poono veniri,pa goi gemu veaa melona apuna poraga peene iatha.²⁸Mauli olemana ova magari venikuo; goi vilamuna thau thaoku namana pono vavonua.²⁹Vewala, thauna mui availa thakwa thakwa muini Davida olemana,pe ia ewarega e gekulia,e ia gena kalani veole egarao ia elerai gauna era.³⁰Gaurai,ia peroveta auna apua ealu e eripa Palauna ia eilagavu venia garo apua ia kalakala na apua gena vele aluaunai pene alu.³¹Iana eiathao vilari garorai raaga pene wala e Keriso gena laai wai ethoriao,pe ia olopu wagari elerai nee ri waniao,o ia auniparana na poraga nee iathao.³²E Iesu-Palauna evalaiaio,thai mapara maina gaiathao.³³Gauri pakurai,pe tou laai mai Palau imana ripana gena avanai eilagavu veni maio gauna veaa palauna amana elenana,elavugathao pogo iatha e pogo amonagia.³⁴Davida Iesu kupai amana na eve tou ragea veaina nee verage,namu ia neiwaio,"Velegaua geku evailao," Imaku ripana avanai ono alu³⁵pene thao gemu vukuku auri goi gagemu ole auna patana pana oleria."³⁶Gauri pakurai,Israela numa auri maparari pigo varipa ria Palauna ia vele rakina e Keriso eveniao,Iesu na muina go satauroao."³⁷Ethori geamonagiao,ila thaori geve aoleao,thaonai Petero e veunagi auri gerenagi rao," Vewala thaina raaveaina pagara ala?"³⁸Thaonai Petero na ila evailarao," Igo valavu wai e apuri apuri, papasito iavuna pigo gapia Iesu Keriso tharanai pe, galama mui pene vuligiri,e veaa palauna gena veveni elemuiyai pigo rawali ria ³⁹Repana ilagavu pe mui gemi e mui naumui e kapu rauai gealuni auri e aunilimalima maparari velegaua ia gera Palau pene gogo."⁴⁰Thori ia vogo thaorana Petero eve vamaoia e enogi nogi rao,"Emoira kalakala na thaona na veva maui pigo avua."⁴¹Gena thori geamonagiao e gegapi rageao ge papasito rao,wagaro anai aunilimalima maparana thagana oioi geria maui velegaua geveniao.⁴²Maaui geve veni vagio keriso gena veunagi auri geria vevaripai e koukou ai,parawa ala avaluanai e veni vuavuai.⁴³Aunilimalima maparari elerai kali ethoa oao,vailia irau irau Keriso gena veunagi (apostles) auri thaorana gewala wai.⁴⁴Geve vauna aunao auri gekoukouo e garia gau maparari apuna mo,⁴⁵geria numa e rinaa gevoi agirao aunilimalima geware venirao, veaolea auria mai.⁴⁶Garo mapara rai gau wauna mo pakunai rupuai geve veni vagio.Ila maina geria numa thaorai parawa geala avaluarawai,geve gani veveniawai verele e manau auria ila,⁴⁷palau geva rageawai aunilimalima maparari geva nama thawai veva maui gerawaliwai auri velegaua ila auri eva vogorawai.

3

¹Evana Petero e Ioane rupu gethoa veniao ora gauna no terei koloku veairi.²Thaonai au apua ia ewalao kau kau gevua thao ao rupu thoaoa thoaoa na tharana Ralemana iwavagi(Beautiful).Garo mapararai ia wanai geva alua wai pe rupu thao venina auri elerai moni enogi wai.³Petero e Ioane rupu na gethoa oawai thaonai eia rawali rao,moni enogi rai.⁴Petero e Ioane maarana eau geia rogo rogoao,negeiwao," thai ono iamai."⁵Ekau kau auna na ila eiathao,ia gena ririwa thaonai moni apua pige venia.⁶Namu Petero neiwaio,"Silver pa gold thau elekuai noai gau,namu thau na avamiao gauna anavenimu.Iesu Keriso auni Nazareta tharanai,ono thao."⁷Petero imana ripanai erogo,eva laaiao noai gagovana eau gagen e uina iliga gerawalo.⁸Erulu laaio,kau kau auna erua laaio ethoao; ia Petero e Ioane ria rupu thaonai gethoa oa koukouo ethoa wai namu erulu ragewai,e Palau eva ragea wai.⁹Aunilimalima mapara rana geiathao ethoao e Palau evaragea wai.¹⁰Geia iliao wape Ralemana iwa vagi(Beautiful gate) thao oanai ealuni moni enogini auna ila geve vakalio e geaovo aovo repana eau elenai eolema ewalao geiathao pakunai.¹¹Solomona gena iali ai Petero e Ioane elerai erogo thaonai aunilimalima na geravu venirao gemalele agirawai.¹²Petero na eolema eiathao,aunilimalima evailarao," Mui Israela aumui raagauna gomalele upu upunia? Raagauna maamui pege gara thai elemui ai,thai maaumui gemai iavuai paga vathao pa Palau gena iavuai?"¹³Abraham,Isaac, e Iakobo, geria palau e ia amari geria Palau,gena veunagi auna Iesu velegaua peva ragea.Eau muina goruao e gouu vanagiao Pilato elenai namu Pilato nee ririwao repana noai gena galama.¹⁴Veaa e thakwa thakwa vagi auna goruao,namu muina vagi vagi auna apuna goririwa ao gova mauliao.¹⁵Mauli gaana govagiao,auna Palau na waregana eva laai ao-eolema thai maa maina gaiathao.¹⁶Veva auna auna iavunai ia tharanai,ia tharana na eau goiani e goripathao,peva iliga. Veva auna auna Iesu thaona na auniparana peva nama iwavagia maparamui vilamuiyai.¹⁷Wala avaku evana,thau ripaku mui veguruguai gomaulinia,emai gevai muinia veleria maina.¹⁸Namu Palau na peroveta auri thaorana eilagi thalo thalo ao,wara ia gena Keriso pene vi vi, evanamona emi gugulu nia.¹⁹Gauri pakurai,igo valavu wai,igo vaai wai,pe galama mui mapara ri pene tou vagiri,pe mamilagi nanamari pigo rawaliri velegau elena na;²⁰e mathara paranai iana Keriso pene uua evirigiao mui gemi,Iesu.²¹Palau na Basileia na pene rawalia auna ia mo pene thao gau maparari pige veole vathakwa,Palauna ethoriao rauvagi vega gena peroveta veaari auri thao rana.²²Moses na ethoriao, Palau velegaua na peroveta auna apua thau veaiku pene vamaoia ma wala avamui thaomui ai.Pene vailamui thori ri maparari pigo amonagi ri.²³Pene wala gauna wara riai thori peene amonagi auna wara aunilimalima thaorana pene vagavu vaguia.²⁴Unamu,Peroveta auri Samuela gena laganina e mulinai geve amaio aurana mai,egaro geilagi lovo lovoa.²⁵Mui peroveta auri nauri, Palauna ilagavu kala kalamui evailarao gauna thaona na,Abraham evailao veaina,' Goi vua vuamu thaorana alimapara maparana veva nama pene rawalia."²⁶Palau gena vealaveni auna eva kamurageao mulinai,mui elemuiyai eveuu mai kuneao,pe mui pene vanama mui thaona na,aunilimalima maparari gemi moira maui rana pigo vaai wai."

4

¹Petero ma Ioane goina aunilimalima gethori venirawai thaonai,rupu veleri e rupu geiamatha wai auri e Sadducees geve amaio ila elerai.²Ila geve raulea vagio repana Petero e Ioane goina aunilimalima gevaripara wai e Iesu gena laai wai waregana gevara vara agiawai.³Ila raligoi geligo rao tipura numai geve ole oarao pene thao rapari eluvao.⁴Namu

aunilimalima vogovagina evali geamonagio thaonai gegapirageao;geve vauna aunao aunilimalima no thagana imaima.
⁵Rapa eluvao geria vevai veleri,rupe veleri,e vekuneagi auri geve koukouo Jerusalem. ⁶Annas rupe veleni kamuna wanauna auna wara,e Caiaphas,e Ioane,e Alexander,e rupe veleni kamuna wala wala na maparari. ⁷Petero e Ioane ila nunuarai geva alu alirao, gerenagi rao, " Riiai gena iavuai,pa riiai tharanai,eulavunu muina goalani?"⁸Thaonai Petero,veaa palauna na evavonua,ila evailarao, " Mui aunilimalima gokune agirana,e vanua veleri, ⁹pere thai egarao pogoro avu iaiaimai vi vi auna vanama vanama na pakunai,raaga pakunai eau eve vanamao, ¹⁰iga vamaiga vilamuii e Israela aunilimalima ria maina,eau mui vilamuii eruao auniparana nama iwa vagi Iesu Keriso auni Nazareta tharanai,auna muina go satauroa,namu Palau na waregana eva laaia. ¹¹Iesu Keriso ia vauna,mui numa au alana goilagi raava,namu ia eveoleo rupe vauna kamuna. ¹²Nama auapua elenai nee miao,ekupa kapulenai maa thara apua nee miao ethara namo ia pene vamauli ri. ¹³Petero e Ioane geria nuagaua geiathao e gevalavu rawalio ila ipo aunilimalima, noai gethaoneka,ila gekali leao,gemi valavu rawalio Petero e Ioane wara Iesu ria gethoa kou wai. ¹⁴Repana kau kau auna enamao ila ria gerua kouo,pige thori vewai avana egauao. ¹⁵Kaosela alu kouna mulinai veunagi auri geva thoa rai rao,ila maaui geve vaila wai. ¹⁶Ila negeiwai, " Eau lua lua iana raa paara ala iwari? Repana ilana vekalile ulavununa apua pege vawala,Jerusalem gealuni aunilimalima rana rau vagi pege ripathai,ia piana ilaiwa wapa. ¹⁷Namu vevaripa apua eolea evali pigene ole lovo lovoa aunilimalima thaorai,rova eveniri etharai auapua pigene thori venia. ¹⁸Thaonai ila gegogo oathao,rova gevenirao Iesu tharanai vevaripa e thori thori apua pigene ole waia. ¹⁹Namu Petero e Ioane geria vevano lavu ulei gevail iwarao,"Ari apua thakwanai Palau vilanai mui iga vagelemui pa Palau,muina igo vevaovoa. ²⁰Thai pigana rakwa uari gaiaao e ga amonagirao gauri thori thori rai. ²¹Venua rage thori mulirai Petero e Ioane geva thoa rao.Ila geria thori mau avari geavu avao eau lualua iavu pige vavuari,repana aunilimalima mapara rana Palau geva ragea wai repana maarana geiathao. ²²Eau vevanama maveva kali agina erawaliao auna gena rigolo maparari kapana vai vai. ²³Geva thoa rairao mulinai,Petero e Ioane geria aunilimalima elerai rupe vele rana e au kakamurana thori gevaila rao thori gevava vara agirao. ²⁴Geamonagio thaonai,ila karori geve rage ole uamagi apunaimo Palau elenai negeiwao,"Velegaua kupa,alimapara e rawapara goina oalarao,e thaorai gemiani gauri maparari. ²⁵Goi veaa palauna thaona na othorio goi gemu veala veni auna muruna na,thai amamai Davida, Raagauna avapaa (Gentiles) auri geparuni,e aunilimalima gau noai ganiri gevalavu rana?"²⁶Goi noiwao, 'Alimapara veleri geregari gealu kouo,e vevai auri gekoukouo velegaua e gena Keriso gerua vila agiarao. ²⁷Noria maina na,Heroda e Pontius Pilate,avapaa (Gentiles) auria e Israela aunilimalima ria ila gekoukouo evanuai goi gemu veala veni auna maveaana goina ova iavua Iesu gerua vila agiao. ²⁸Ila ge koukouo pe goi imamuna omaneao e ouamagi thalo thaloao pene wala. ²⁹Evanamona,Velegaua,geria nuavevarage ono iari e goi gemu veala veni auri iliga ono veniri pigene thori guguva guguva. ³⁰Imamu ono go rairi vi vi pige nama e vailia pige wala goi gemu veala veni auna maveaana Iesu tharanai. ³¹Ge veni vuavua mulinai,ila gealuo kapuna maparana eve lugu veluguo,thaonai ila maparari veaa palauna gevonuo e Palau gena thori mailiga rana gethori agiao. ³²Maparari geve vauna aunao wara thao e palari apunai auri.Apua nee ila iwa wai iana erawalia wai gauna ia maauna gena,ila garia gau wauna mo. ³³Wa iavu iwavagi thaona na veala veni auri Iesu Keriso gena laai wai gevava vara agiawai,thaonai veuga ila thaarai ethava auao. ³⁴Maparari apua gau waathai nee rapuo,mageria numa pa alima gevoi agirao moniri geve tou mairao ³⁵Joseph,veala veni aurana gegogoa wai Barnabas(ganina vevailiga nauna),ia levite,Cyprus auna apua, ³⁷gena alima evoi agiao monina eveamai agiao vealaveni auri gageri reparai emi ole aliao.

5 ¹Evanamona au apua tharana Ananias, garawana Sapphira geria alima gevoi agiao,²alima voina ia gerogo waiao (ia garawana maina ripana),avaamo eveamai agiao veala veni auri gageri reparai emi ole aliao.³Namu Petero neiwao," Ananias,raagauna Satani na goi thaomu peva vonua pe veaa palauna po wapa alima voina monina avaa porogo waia? ⁴Ro voi agia thaonai gaana nori goi pa,e povoi agia mulinai ia nori goi gemu iavu thaonai pa? Eari uamagi apunai goi thomuai eveaina pouamagia? Goi na nori aunilimalima po wapara, namu Palau." ⁵Ananias ethori eamonagirao mulinai eoalio thagana thagana kapi kapina egapiao,geamonagio auri maparari geve vakalio.⁶Au valivu vira vira geve amaio gethouao,gevua raiao geve kuliao.⁷Ora oioi gegavu vagio mulirai,Ananias garawana Sapphira emi thoa oao,nori ripana raaga ewalao.Petero na erenagiao, " Ono vailaku alima pogo voi agia ari kamuna na." Sapphira neiwao,aunauna,voina kamu vagi. ⁸Thaonai Petero na ia evailao, " Eari uamagi apunai mui pogo thori kou Palau palauna pigo ala ova? Ono iatha garawamu pege vekuli auri gageri oiarana avagaamai,goi ilana ige vua raimu." ¹⁰Ia noai gagovana Petero gageni repantai eo alio gena thagila kapikapina egapiao.Au valivu vira vira gemi thoa oao thaonai ia waregana gemi rawaliao,gevuaraiao garawana laganai mageve kuliao.¹¹Rupe aunilimalima ri maparari kalina egapi raavarao e geamonagio auria mai. ¹²Vailia irau irau e olema vaairi irau irau gewalao aunilimalima thaorai veala veni auri elerana geveamai wai.Ila maparari Solomona gena ialiai geve koukouo. ¹³Namu aunilimalima vairi thaori noai iligari ila elerai pige thoa avi;namu ila genuarage agirao aunilimalima na. ¹⁴Aunilimalima vogo vagi ekalesia maulinai velegaua thaonai gethoa oawai,maluane e vavine vogovagi, ¹⁵vi vi auria mai thara parai gevua rai rawai,mao mao gaurai geva maorawai o alu au gaurai, pe Petero eveamai wai thaonai ia thaupa thaupana ila thaarai eo auwai ilageria viina genamawai. ¹⁷Thaonai rupe veleni kamuna elaaio, magena olea auria ila(Sadducees) eolema geiathao vemauna gevonuo ¹⁸Iesu gena veala veni auri gegapirao, Tipura numai geve ole oarao. ¹⁹Lewana pogi thaonai velegaua gena aneri na tipura numa avagaamari geala paarao geva thoa rairao,gevaila iwa rao, ²⁰Thoa rupe thaonai pigo verua aunilimalima maparari emauli thori thorina pigo vara veniri. ²¹Ethori geamonagio laganinai rupei geve thoa oao pogipogi mo vevaripa e vali namana geve varipa agiawai.Namu rupe veleni kamuna eveamaio magena olea auria ila,Israela vele vele ria ila,unagi

geuuao tipura numai veala veni auri pige veamai agiri.²² Namu tipura numa veia maa auri gethao tipura numai geve lavu ulewaio gemi vara varao,²³ "Tipura numa avagaamari ila loka gavu,veia maa auri thoa oa thoa oai geruao,namu avagaama paga ala paari thaonai ila noai au gau thaonai."²⁴ Rupu veiamaana auna kamuna e rupu velena kamuna ethori geamonagiao thaonai ila repa vi vi kamu vagi gerawaliao geuamagio e raagau maene wala.²⁵ Thaonai au apuna eveamaio evailarao," Waunilimalima tipura numai muina gove oleri auri pe rupu thaonai geruao aunilimalima geva ripa rana."²⁶ Rupu veia maana auna kamuna e tipura veia maa auna apua ila gethao geve vai lavu ulerao,nori vevagiai repa gekalio orina ila gevaaurana.²⁷ Geve amai agirao rova veleri(council) auri vilarai gemi vaalu alirao.Rupu vele kamuna na ila evaila rao,²⁸ neiwao," Thaina mui evanamona gavaila auna auna muini etharai mui pigono vevaripa,namu mui noai goegathagini Jerusalema maparana pelova pe iaiana eau lalana thai thaamaiai orina eo auni."²⁹ Namu Petero e veala veni aurana ila gevaila iwarao,"Thaina Palau piga vagelea,namu nori aunilimalima.³⁰ Ia amari geria Palau na Iesu evalaia auna muina govagia gau upu unai gova gigoa ewarega.³¹ Palau na ia egapi laaia ia imana ripana gena avanai eva aluao ia pene vele e veva mauili auna,Israela pene vaai waia e galama pene ilagi wairia.³² Egau thai maa maina giathao e veaa palauna na mai eiathao,Palau geva geleani auri pene veniri."³³ Eolea aurana ethori geamonagiao thaonai ila thori geparu gaua vagio e geririwao eveala veveni auri pige vagi waregari.³⁴ Namu Parisea auna apua tharana Gamaliel,ia rova eve varipa agiawai ia aunilimalima na matha lagia wai,erua laaio veala veni (apostles) auri evaila rao gau kerunai igo vealu kirikiri.³⁵ Thaonai gena aunilimalima evaila rao," Israela aumui,uamagi pogo ala gauna eaunilimalima elerai igo ia nama namatha.³⁶ Garori pege vanagi thaonai Theudas erua laaio eveilagio ia aunilimalima apua,e aunilimalima maparari inavu vaivai ia gena na gethao.Ia gevagi waregao,e ia geva gelea wai auri maparari geule lovo lovo noai ganiri.³⁷ Apua Judas Galileia auna,tentiti garo anai aunilimalima vairi elolo gerevagi rao ia mulinai gethao.Ia maina elewa lewa,e mulinai gethoa wai auri ge ule lovo lovo.³⁸ Evanamona thauna mui availamuini,eaunilimalima elerana igo gerevagi igo kali waniri,pene euamagi o ulavunu aunilimalima gena ia ikanai peene thao.³⁹ Namu pene Palau gena muina pigono lovo ripatha;orina ala verauleai muina Palau goveali veniani." Pe ila thaori geo alio.⁴⁰ Iesu gena veala veni(apostles) auri gegogo oarao wari iavuri geva vuarao e gevailarao Iesu tharana mapigene ilagi waia,mulinai geva thoa rao.⁴¹ Ealu kou gekali waniao maverale rana repa ethara pakunai vi vi gerawalio.⁴² Mulina gena avanai,rupu thaonai e numai gethoa oawai,geve varipa wai e vali namana gevara vara agiawai gauna Iesu ia Keriso.

6

¹Elaganinai Iesu mulinai authoa gevogowai,thaorana vi vi thorina wauna Grecian Jews na gemi rage agiao Hebrew elerai,repna ila geria wapu ware ware thaorai noai geva gele rawai.² Auri kapanana lualua na muliai gethoa wai(disciples) auri gegogorao gevailarao," Enori nama thaina thori iga kali wania namu thai iga veamai patai ware ware iga ulavunu agiria.³ Gaurai igo vevirigi vewala,auri aulaoi apuna igo gapi ria thaomuiai,au vali nama auri,veaa palauna na gevonu nia auri,e ma thaonekari eulavunu ilana pige iamaatha.⁴ Namu thai valu pe veni vua vua pigana kali wania e thori rakwa lovo lovo nai."⁵ Geria thorina aunilimalima maparana eva verelerao.Pe ilana Setepano gevirigiao,gena veva auna auna kamuvagi auna e veaa palauna na evonuo,e Philip,Prochorus,Nicanor,Timon,Parmenas,e Nicolaus ekalesia valivuna Antioch na eveamaio.⁶ Eaunilimalima geve amai agirao vealaveni aurana thaarai geveni vuavua e imari reparai geole aurao geva iavurao.⁷ Pe Palauna thori noai au valouna,aunilimalima numerana Jerusalemai ekamuvagio e rupu veleri vogo vagi geve vageleo veva auna aunai.⁸ Setepano,veuga e iavuna evonuo,aunilimalima thao rai vailia e olema vaairi irau irau eva wala rawai.⁹ Avanai olea apua eveilagiwai mathavu auri rupuna, ila Cyrenians,e Alexandrians,e vairi Cilicia e Asia na geve amaio.Eolea ila Setepano ria geila vevauuwai.¹⁰ Namu ilana Setepano na veaa palauna e thaoneka ethori agia wai gauna rua vila agina ila elerai nori gele gele.¹¹ Thaonai ilana aunilimalima vairi geva voirao,gevaila iwa rao,"Mui pigo ila iwa thaina Setepano paga amonagia Palau e Mose ethori rakwa oarana."¹² Aunilimalima thaori geganirao,rupu veleri,rova geve varipa agiawai auri,geve amaio Setepano elenai gegapiao geve amai agiao vele kakamuri(council) auri vila rai.¹³ Veilagi rai wapa auri geve amai agirao,negeiwao,"Eauna eveaa kapuna e rova eilagi rakwa oarana.¹⁴ Thai na paga amonagia ia peila iwa Iesu Keriso auni Nazareta na eava pene lovoae Moses na ia rova eveniri gauri pene potho vagiri."Maparari ealu kou thaonai gealuo aurana iamo geiaia wai ia vilana iaiana no aneru apua vilana veaina.

7

¹Rupu velena kamuna eve renagio,"Ethori aunauna pa?"² Setepano neiwao,"Wala avaku e amaku,igo amonagiku; Vewaa Palauna ia amari Abraham elenai eve vamagio Mesopotamiai ealu wai thaonai,kapinai Haran ai eve aluo;³evaila iwao,' Gemu alimapara ono kali wania e wala walamu,ono vethoa oa alimana ana varipamu."⁴ Thaonai iana Chaldean alimaparana ekali waniao Haran ai eve aluo;wanai ealuo mulinai amana ewaregao,Palauna ealimaparai eveamai agiao,avanai evanamona mui goalunia.⁵ Waua vagi nee venia gena,noaia vagi manori gelegele gageni gaua pene ole aua.Namu ia eilagavu-lewana Abraham noai nauna thaonai-iana alima pene venia e kalakalana ia mulina na pige veami auri geria.⁶ Palauna ia eveaina ethori venia wai,ia kalakala na alima poluai pige alu kirikiri,avanai vi vi maulina pige rawalia pige vagaro oneri e pige gurugu ria rigolo maparari inavu vai vai.⁷ Namu geala veniani alimaparana thauna pana vaaithoria Palau neiwao,mulinai ila pige thoa rai ekapuai thau pige airupuali veniku.⁸ Thaonai Palauna Abraham peritome rovana eveniao,thaonai Isaac ewalao,garo aula vaivai mulirai eperitome ao;Isaac na Iakobo eva walao,Iakobo na kwalu vele ri kapanana lualua eva walarao."⁹ Repana kuine Josepha elenai geve maaui,Aikupito ai gevoi agiao;namu

Palau ia laganai¹⁰ kepi maparari thaorana elauawai. Palauna maanai josepha evegala gaua vagio e thaoneka eveniao Aikupito geria vele Parao vilanai auna na kawana rakina eveniao gena numa rinaa ri veia maana Aikupito maparana thaonai.¹¹ Thaonai roge ekwarao Aikupito maparanai e kana anai, vi vi kamu vagi ewalao, ia amari gani gani rawali rawalina egauao.¹² Namu Iakobo eamonagio Aikupitoai gani gani gauna wara, ia amari euuthai rao geria thoa rai maamana.¹³ Geria thoa vaga lualuanai Josepha wala avana elerai eve vamagaio, thaona na Josepha gena numa auri Parao na eripathao.¹⁴ Josepha wala avana euulavu ule rao ila amari Iakobo pige vaila pige veamai Aikupito ai, ma wala walana maparari auri, kapana aula oioi apuna e imaima.¹⁵ Pe Iakobo ethao Aikupito ai ewewarega, ia e ia amari.¹⁶ Ila geve amai agirao Shechem ai Abraham na alima evoiao Hamor nauna elerai avanai gekuli rao.¹⁷ Ilagavu orana eveaviwai, Abraham eilgavu veniao ilagavuna aunilimalima gekamuwai e gevogo vogo wai Aikupito ai,¹⁸ pene thao ma vele apua elaa rageo, evele na Josepha nee ripatha.¹⁹ Ia gera aunilimalima eva raava rawai ia amari eva gaiirawai wala reparepari elori pige vagiri pigene mauai.²⁰ Wa ora rai Moses ewalao; Palau vilanai ia ewala ralema ralema amana gena numa thaonai vue oioi apuna geia marao.²¹ Gau kerunai geve oleao laganinai Parao vele nauna vavinena na enau vanagio evakamuaio ia naunai.²² Moses ethaonekao Aikupito geria thaonekai, ia iwa vagi gena ulavunai e gena thoriai.²³ Namu ia emi ola rageo rigolona kapana vaivai thaonai valavu emi rawalio wala avana Israela kalakalana vagaa pene thoa ia aliri.²⁴ Eiathao thaonai Israela auna apua nori olema namanai geuamagi venia wai, Moses na galamana ealao Aikupito auna evagio:²⁵ ia euamagio thaonai ia wala avana pegere uamagi ripa Palau imana na ila evai rairawai, namu ila noai geuamagi ripa wai.²⁶ Rapa eluvao au lualua eiarao geve vagi wai thaonai, ia ethao pene vaila pikapikari e pene vaimaino ri, neiwao, 'Au mui pe ma wala avamui; namu raagauna gove vagini?'²⁷ Namu galama eva wala auna na Moses eroli gerevagio, neiwao, 'Goi riaina iavu evenimuo thai pono ia maamai?'²⁸ Goi oririwani thau ono vagiku, walagani Aikupito auna ovagio veaina?'²⁹ Mose euleo ethori eamonagio mulinai; ia ethao Midiana alimapara nai eve alu vaalu auo, wana eve garawao melo maluane ri lualua eve vawalarao.³⁰ Rigolo maparari kapana vaivai geva nagio, aneru apua ia elenai eve vamagaio kapu leanai Sinai golona laganai, alovana muu egalawai vailianai.³¹ Moses na alova eiathao, avana emalele agia wai; eve thoa avi avio pene ia nama nama, thaonai velegaua karonalaa rageo, neiwao,³² 'Thau mui amamui geria Palau, Abraham, Isaako, e Iakobo,' geria Palau. Moses enukeo nee ririwao pene iatha.³³ Velegaua na evaila iwao, 'Gagemu tamakari ono alavagiria, repa goi oruao avana wara veaa alimanai oruao.³⁴ Thau geku aunilimalima geria vi vi auna auna paiatha Aikupitoai; Geria agi paamonagia, gaurai thau pami rivo ila pana vairairia; ono veamai evanamona, Thauna goi aumunia ono thao Aikupitoai.'³⁵ Moses ia geruatha, gevaila thorina, 'Goi riaina eva iavumu thai pono ia maamai?' auna pe ia Palauna na euuao ulavunu lualuai pene vele e pene vevai rai. Palau aneru imanai eve vamagaio Moses elenai muu thaonai.³⁶ Moses na Aikupito na evai rairi, vevakali viliari e vailia maveva kali agiri eva walarao Aikupito ai, wapa rawa paranai, e kapu leanai rigolo kapana vai vai thaorai.³⁷ E Moses namo Israela auri evaila iwari, 'Mui thao muina peroveta auna apua pene vamagaia, thau veaiku.'³⁸ E aue ia kapu leanai alukou thaonai (in the assembly in the wilderness) Sinai golo nai aneruna ethori veniao, ia amaria ila gethoa kouo, e auna na mauai thori thori egapirao ia pene veniria.³⁹ Namu ia amarana noai gegapi rageao; ila elerana geroli paauao, ila thaorai ila valavuri gelavu ulewaio Aikupitoai.⁴⁰ Wa oranai Aaron gevailao, 'Thai gemai Palau vairi ono maneri pe thai pige vai mai. Namu Moses na Aikupito na thai evai raimaio, auna thai nori ripamai ia elenai raaga pewala.'⁴¹ Pe ilana poromakau apua gemaneao e veveni gauna apua geve amai agiao ekaivakuku geveniao, geveleleo repa ila imarana gemaneao gauna.⁴² Namu Palau eala iwao ila eva makerao viu vue uluvu ai geai rupu alivenirao, peroveta auri geria aloalo na eilagio gelegele nai, 'Israela numana aumui igo amonagi rigolo kapana vai vai kapu leanai, thau poromakau govagi rawai gauri go venikuwai pa?'⁴³ Muina Molech gena rupu gogapi rageaoe Rephan palauna gena viu, e kaivakuku go mane rao gauri go airupu alivenirao; e thauna mui anatou vanagi mui Babylonia mai igo vanagia.'

⁵⁰Thau imakuna egau maparari naa maneri pa?'⁵¹Mui awa awa aunilimalima mui, thaomui noai go peritome ri e egamui, vanagi vanagi veaa palauna gova waiani; amamui geala wai veai veairi vagi go mauini.⁵³ mui aneru na rova geva rua go rawalia, namu noai gorooana ole."

8⁵Philipi everivo ole Samaria vanuanai Keriso valina veve vara venirao.⁷Temoni raraavari vogo vagi gethoa raio, gemakala makala wai, vogo vagi kaukau auri gewala agiri viiri genamao.⁸Wavanuai verele kamu vagi ewalao¹³Eau Simon maina eve vauna aunao, ia papasito egapi aluo mulinai Philipi elenai ealu thaovegao. Vailia gewala wai e olema irau vavagi gewala wai, ia evalavu avao.¹⁵Gemi kwaraio, ila thaarai geveni vuavuaio pe, ilana veaa palauna pige rawalia gaurai.

9 10²⁷Petero goi rowage thori thoriwai thaonai aunilimalima na numa geva vonuao.

11¹⁴Iana mui vali namana apua pene mi vara venimui thaona na goi e magemu numa auri veva mauai pigo rawalia.'

12 13²⁷Jerusalemai, mageria vele gealuni, ilana noai geia ilia, namu ilana peroveta thoriri geva gugulu rana, tapati garori mapararai georu rana ilana ia geilagi ra'avani.

14²²Ekalesia aunilimalima ri palau ri geva iliga rawai, geria veva auna aunai pige rua iliga iliga, negeiwai, "Vi vi vogo vagi thaorana ia Palau na Basileiai peve thoa oa."

15 16 17 ⁵Namu noai geve vauna auna wai Jews aunilimalima ri,vema'auna gevonuo,maketi ai moira aunilimalima ri gegogo koukourao,vanua thaonai galavu gevarageao,Jason gena numa auri gemakala venirawai,Paulo e Silas ige vai rairi aunilimalima elerai.

18 ²⁷Gena ririwa ekamuo pene vanagi thao Achaia,auavana na geva iligao Achaiai ekalesia gealo venirao gevaila rao pige thaloa.Ekwarao laganinai,veugai geve va auna aunao auri iana eva'ava raramanithao.

19 ³⁶Goiatha ni egau noai vawai venina,gaurai mui pigono galavu galavu e vaila vailai pigono ulavunu.

20 ¹Galavu galavu egavu vagio mulinai,Paulo na ekalesia auri unagiri euo,evailigarao evagagathao ia ethoao Macedonia ethoa veniao.

21 22 23 ¹Paulo alukou auri maparari vilari ne'e ia guguva agirao thaonai neiwao," Wala avaku,Thau Palau vilanai mamilagi nanamarai mo ami mauili maini pene veami egarao."

24 25 26 ¹² Thau eveaina amauliwai,garo apua rupu vele kamuna gena thorina athoao Damaseko(Damascus) Evana ono rua la'ai;egauri pakurai thau goi elemuai pave vamagai,pana gapi la'aimu veala veni aunai e thau evana poripaku e kapinai pana varipamu gauri ilagi lovo lovo ri auna;

27 ¹²Repana thagi taemurai euapo rairaina nori nama,gaurai rawa parai au ulavunu vogona geria vegavu inai,ila enana geravuwai gethaowai Phoenix taoninai,thagi gevealu venia wai.Phoenix ia Crete uapona emiao avana,ia vagi iliwa e thavala geria veamai avana eva'ai veniao.¹⁴ Garavuo gagova gelena nori rau rau lovo rai ethoa raio alimapara na.²¹Garo vogo rawaparai evule vulerao ganigani noai geganio,thaonai Paulo erua la'aio evailarao, " Thau karoku muina goro amonagiao,ia Crete natha i ara ravu raio,ekepi e gau rakwa e'ere walao.

28 ²⁵ Ila thaorai noai gegapi rageao,ila gethoao Paulona ethori eilagiao mulinai: " Mui amamui peroveta Isaiah thaona na ethori va'anamao.²⁷Repana eaunilimalima thaori mu'una vavagi,ila egarana noai geamonagi vagini,e ila ma'aria maina gekana gavurao.Pene thao ilapige veia,egarana pige amonagi,thaorai uamagi ulu pige rawalia e pige va'ai wai,pe thauna ila pana lamori ri."²⁸ Gaurai mui pigo ripa Palau gena vevamauli peu'ua mulimuli (Gentiles.) auri geria e ilana wara pige amonagia." 29